



Redondela

MOCIÓN DO BLOQUE NACIONALISTA GALEGO SOBRE RECUPERACIÓN DOS DEREITOS E DO EMPREGO NA ADMINISTRACIÓN DE XUSTIZA

O grupo municipal do BNG, ao abeiro do Regulamento Orgánico do Concello, presenta a seguinte moción para o seu debate en Pleno da Corporación de Redondela

EXPOSICIÓN DE MOTIVOS

Os traballadores e as traballadoras da Administración de Xustiza de Galiza suman xa máis dun mes de paro reclamando condicións salariais e laborais que non os discriminen, contra os recortes e en defensa dunha Administración de Xustiza áxil e moderna, iniciando o pasado 9 de febreiro unha folga indefinida. Trátase dunha medida extrema á que se chega logo de esgotar todas as vías posibles de negociación e como resposta á prepotencia, soberbia e cerrazón da Xunta de Galiza. A folga conta cun seguimento masivo e co apoio dos sete sindicatos representativos do persoal. Tamén as dúas manifestacións convocadas en Compostela, o 25 de xaneiro e o 24 de febreiro, contaron con un apoio masivo dos traballadores e traballadoras.

A convocatoria dunha medida tan extrema como unha folga indefinida, e o apoio masivo co que conta, hai que enmarcala no deterioro continuo dos servizos públicos, no empeoramento das condicións laborais, e nos continuos recortes de dereitos ao que levaron as políticas regresivas, reaccionarias e centralizadoras do PP no goberno do Estado e na Xunta de Galiza. Existe un malestar xeralizado nos empregados e empregadas públicos, que mentres que noutros sectores está latente, no caso da Xustiza cristalizou en medidas contundentes de carácter reivindicativo, mobilización e loita. Cómpre valorar pois a importancia da capacidade de mobilización que está a manter este sector en contra da Xunta do PP.

A Xunta de Galiza e o PP, por boca de Alberto Núñez Feijóo e de Alfonso Rueda, intentan trasladar á opinión pública que a única motivación deste conflito é unha mera reivindicación de mellora salarial, que se trata dun sector privilexiado (función pública) e que rexeitan unha “xenerosa” oferta de suba salarial. Tratan con isto de poñer á xente en contra e culpar a sindicatos e persoal da Xustiza das consecuencias negativas da folga

Os traballadores e traballadoras do sector da Xustiza en Galiza están sendo reiteradamente discriminadas na retribución do complemento transitorio con respecto ao resto do persoal do Estado, cunhas diferenzas salariais acumuladas no período 2013-2017 que poden variar entre os 4.000 e os 10.000 euros, dependendo do corpo ao que se pertenza. Por iso, unha das demandas é a subida do complemento transitorio autonómico, retirado das pagas extraordinarias polo Goberno de Feijóo, durante estes últimos catro anos.

Reclaman ademais a retirada do desconto que se lle aplica ao persoal da administración de xustiza en caso de Incapacidade Temporal, pero que non se aplica a xuíces e xuízas, fiscais ou letrados/as, así como a negociación do pagamento do 100% das substi



Redondela

tucións, pois a diferenza do que pasa noutras autonomías, en Galiza o persoal que cubre un posto en substitución vertical non cobra a totalidade do posto que ocupa.

Solicitan igualmente que se negocie un plan recuperación das 106 prazas amortizadas en 2013 e que afectaron especialmente aos xulgados do contencioso, de paz, de familia e ás audiencias provinciais o que supuxo un incremento substancial da carga de traballo e retrasos na tramitación de procesos xudiciais. Outra das demandas das centrais sindicais consiste na consolidación de prazas de reforzo de máis de tres anos de duración, comprometida pola Dirección Xeral de Xustiza.

Con máis de tres mil xuízos suspendidos e unha folga indefinida que está a provocar un grave prexuízo para o conxunto da cidadanía nun servizo fundamental, faise necesaria unha negociación real que busque unha solución a un conflito que afecta a miles de cidadáns no noso país.

A pesar das demandas do comité de folga da interlocución do Consello Galego de Relacións Laborais, que foi o único lugar onde se deu un certo avance nas negociacións e que foi eliminado da mesa de negociación tras a entrada na mesma da Consellaría de Facenda, que permita desbloquear o conflito, a Xunta négase a aceptar a mediación, continuando nunha actitude total de cerrazón que a amosa incapaz de negociar co fin de chegar a un acordo.

No caso de Redondela, as demandas dos traballadores e traballadoras de xustiza pasan pola dotación de persoal suficiente, no caso das substitucións por baixas, xunto á creación dun terceiro xulgado, para dar servizo arredor de 40.000 habitantes do partido xudicial. Ambas iniciativas xa debatidas e apoiadas polo Pleno, en diversas ocasións. Malia todo, mantense a negativa da Xunta de dotar do terceiro xulgado, en contra do criterio de procuradores e procuradoras, avogados e avogadas, traballadores e traballadoras da xustiza.

Por todo o exposto, o grupo municipal do BNG solicita do Pleno da Corporación municipal a adopción do seguinte

ACORDO

- 1. Amosar o apoio do Pleno do Concello de Redondela, aos traballadores e traballadoras da Administración de Xustiza nas súas reivindicacións de dereitos laborais e de emprego.**
- 2. Instar á Xunta de Galiza a unha solución inmediata do conflito da Xustiza, dando resposta ás demandas dos traballadores e traballadoras.**
- 3. Dar traslado destes acordos ao Presidente da Xunta de Galiza, e ao Vicepresidente e Conselleiro da Presidencia, Administracións Públicas e Xustiza**

Redondela, 15 de marzo 2018

A
s
d
o
.

X
o
á
n

C
a
r
l
o
s

G
o
n
z
á
l
e
z

C
a
m
p
o